



Government
of Canada

Gouvernement
du Canada

Indigene Kishkayistamowin Lee Iway Wayashtaywin

poor Paminikaywin Kaw-igzaminee pi Il a disidee Kaw-
ishinakishkamoomahahk



Indigene Kishkayistamowin Lee lway Wayashtaywin poor Paminikaywin Kenawapahtamowin pi Kaw-paminikawtaykihk Ayitayistamowin

La taeb di mawachistowina

1.0	Nakishkawtouwin.....	3
1.1	Itapatishiwini di Wayashtaywin	3
1.2	Kaw-awpachistahk di Wayashtaywin.....	3
2.0	Wayashtaywin.....	4
3.0	Indigene Kishkayistamowin.....	6
4.0	Indigene Kishkayistamowin didawn Li Zord	7
5.0	Kishshinahamakayhk La lway	8
5.1	Kaw-gischeetaymouhk Indigene Li moond pi okishkayistamowin	9
5.2	Oushtawniwun pi kenawayihchikawtayw miyeuweechaytouwin wawhkoostouwin avek Indigene Li moond	10
5.3	Nawut iyikohk Itayistahk Indigene Kishkayistamowin	11
5.4	Kaw-gischeetaymouhk Tosal di Indigene Kishkayistamowin	12
5.5	Chiweechihiwayhk Boun poor Aysheeshchawk Ouschi Indigene Kishkayistamowin	13
6.0	Pooyouwin	14

1.0 Nakishkawtuwin

Li Gouvarnimaw di Kenadaw shawpouhtataw lee lway di piyii ishpee Zwaen 21, 2019 ouschi ooma [Kaw-igzaminee chikee itochikemakahk Li Zord](#), ooma [Aen zhawnd Kenadaw Pawndawn Pamikaywin Li Zord](#), ooma [Ou pwesoon Li Zord](#) pi ooma [Aen zhawnd Kenadaw Kaw-papawmatakawwuk daw Loo Li Zord](#) (tout awn sawmbl, Li Zord). Oohin lee lway di piyii lee shawnzhmawn anoush akwa saprawn chi-ayawhk Indigene Kishkayistamowin nawut iyikohk chi-itayistakwahk, ishpee kee-ashtawniwun, avek kootaka kishkayischikawtaywina, didawn paminikaywin kenawapahtamowin pi kaw-paminikawtaykihk ayitayistamowin. Oohin Li Zord mawka saprawn chi-ayawhk pikawna Indigene Li moond chikee en pawr okishkayistamowin pi kakaykina kashkihowin chi-natouta ispray Indigene Kishkayistamowin chi-kenawayishcikawtayk poor kawkawtaywin keema poor apsheesh awpachistawin.

1.1 Itapatishiwin di Wayashtaywin

Itapatishiwin ouschi ooma Indigene Kishkayistamowin Lee lway Wayashtaywin poor Paminikaywin Kenawapahtamowin pi Kaw-paminikawtaykihk Ayitayistamowin (Wayashtaywin) si aykwawnima chiweechihwayhk ahkamay awpachistawin di ohtinamawkaywina kaw-atoushkaykawtayk avek Indigene Kishkayistamowin didawn Li Zord. Ooma Wayashtaywin itwayshtam mishakawmihk la lway aykwawnihi kakayeshkimiwayw atoushkaywin di li federal oneekawneewak ishpee kaw-awpachistaw ooma ohtinamawkaywina awntsoor Li Zord pi pakiteyihchikawtayw wayashtaywin poor li'ofis pi la zhawnsree chi-oushchikawtayk lee lway pi kakayeshkimiwaywin wayashtayw ishi pawhpayyek li'ofis pi la zhawnsree ispray obaminikaywin saprawn chi-ayawhk. Oohin saenk la lway maashinahikawtaywa didawn en seksyoon saenk.

Ooma Wayashtaywin peekishkwatam ishi awn navawn pi l'ispree, maykwawt noushtouhtam saprawn chi-ayawhk poor, pi kischee aenportaan di Indigene Kishkayistamowin chikaykinikawtayk (avek Li Promyee Nawsoon, aen Michif, pi aen Niskimoo) akoutee avek pi paray ishi dan li west science ishpee kaw-itayistakwahk si possib oushistawina. Kaw-pimouhtatahk ooma Wayashtaywin chi-weechihikow li'ofis ishpee kaw-wawpastahk si possib paminikaywina. Aykwawnima ouschi ooma Wayashtaywin pi i soun paray li dokumawn aykwawnihi poor kaw-mawchistahk en pwaynt ishi saprawn chi-ayawhk ouschi peekishkwatamowin kaw-ishi itayistakwahk ishi Indigene Kishkayistamowin l'ispree, kawkakayshkimiwayhk pi a lawntour nashkoumiwaywin poor kaw-gischeetayimouwhk takwashtawin. (Stanley Oliver, Inuk, Labrador).

1.2 Kaw-awpachistahk di Wayashtaywin

Ooma Wayashtaywin awpachischikawtayw ishi li federal oneekawneewak kaw-awpachistawhk ooma Indigene Kishkayistamowin ohtinamawkaywina poor paminikaywin kenawapahtamowin pi kaw-paminikawtaykihk ayitayistamowin ouschi Kaw-igzaminee chikee itochikemakahk La zhawnsree di Kenadaw, ooma Kenadaw Pawndawn Pamikaywin, Awahaywin Kenadaw, pi ooma La pwesoon pi La pwesoon Wawshakawmihk Natamoushtawkaywin Paminikaywin itay Ou pwesoon pi La mayr Kenadaw.

Poor ayiwawk nishitouhtamowin, ooma Wayashtaywin awpachischikawtayw ishi kenawapahtamowin neekawneewin ouschi Kaw-igzaminee chikee itochikemakahk La zhawnsree di Kenadaw, avek kaw-nawashoonikawtayk paminikaywin kenawapahtamowin (tapishkoot, Kaw-igzaminee chikee itochikemakahk) pi li piyee pi kishchayhtakwun kaw-igzaminee kaw-itouchikawtayk awntsoor ooma *Kaw-igzaminee chikee itochikemakahk Li Zord*. Kenawapahtamowin La bonch awntsoor ooma *Kaw-igzaminee*

chikee itochikemakahk Li Zord poor itayistamation ooma Wayashtaywin, akwa meena pikwawnima li federal li'ofis pi la zhawnsree-ispray paminikaywin pi kakayeshkimiwaywin ouschi Indigene Kishkayistamowin ishpee kaw-awshtahk paminikaywina ouschi di Indigene Kishkayistamowin. Didawn ooma *Kaw-igzaminee chikee itochikemakahk Li Zord* tosal ohtinamawkaywina namowiya ashtaniwun ishi en seksyoons 82 pi 83, ouschi ohtinamawkaywina kaw-akwanahikawtayw paminikaywina kaw-pimouhtachikawtayk dan li federal li tayraen pi dahor ouschi Kenadaw akouta mwayhchi. Akouschee, awta ooma Wayashtaywin pakitinam nayikoohk kakayeshkimiwaywin avek kaw-gischeetaymouhk ishi Indigene Kishkayistamowin, namowiya ashtaniwun ishi li federal li'ofis pi la zhawnsree kaw-oushtahk ayitayistamowin ouschi namoo-nawashoonikawtayw paminikaywina ishi li federal li tayraen pi dahor ouschi Kenadaw awntsoor en seksyoons 82 pi 83 ouschi *Kaw-igzaminee chikee itochikemakahk Li Zord*.

Ispray ishi Awahaywin Kenadaw, ooma Wayashtaywin awpachischikawtayw ishi ayitayistamowin keeshpin mawhti chioutinikawtayw atoushkaywin, ishi tipaymiwayhk en seksyoon 7(7) ouschi Aen zhawnd Kenadaw Kaw-papawmatakawwuk daw Loo Li Zord. En seksyoon 7(7) ashtaw naef kishkayischikawtaywina aykwawnihi awa Li ministr di Awahaywin saprawn chi-itayistakwahk, avek Indigene Kishkayistamowin aykwawnima kaw-kee-ashtawniwun, ishpee kaw-oushtahk oohin ayitayistamowina.

Ispray to Ou pwesoon pi La mayr Kenadaw, ooma Wayashtaywin awpachischikawtayw ishi ayitayistamowin keeshpin mawti chioutinikawtayw atoushkaywin, kaw-keemawchtawwuk keema nakatoohkatewina awntsoor ooma la pwesoon pi la pwesoon wawshakawmihk natamoushtawkaywin ohtinamawkaywina, ouschi *Ou pwesoon Li Zord*, ishi tipaymiwayhk en seksyoon 34.1(1) ouschi Li Zord. Su ben seksyoon 34.1(1) ashtaw kaet kishkayischikawtaywina aykwawnima ooma Li ministr di Ou pwesoon pi La mayr saprawn chi-itayistakwahk, avek Indigene Kishkayistamowin aykwawnima kee-ashtawniwun, ishpee kaw-oushtahk oohin ayitayistamowin.

Ispray ishi Kenadaw Pawndawn Pamikaywin (CER), ooma Wayashtaywin chikakayeshkimiwayw ooma CER otatoushkaywin maykwawt paminikaywin kenawapahtamowin pi kaw-paminikawtaykihk pishkaymiwaywin ouschi oushtawniwun, kawpaminuhk pi waypinikaywin di polichik paminikawtaywin en leeng di peup, en leeng di pouwayr pi araw dl loo oushkayiniwun pawndawn paminikaywina. Tipaymishouwak la bonch awntsoor ooma *Aen zhawnd Kenadaw Pawndawn Pamikaywin Li Zord* chi-itayistam ooma Wayashtaywin, akwa meena pikwawnima li federal li'ofis pi la zhawnsree-ispray paminikaywin pi kakayeshkimiwaywin ouschi Indigene Kishkayistamowin, ishpee kaw-awshtahk paminikaywina ouschi Indigene Kishkayistamowin.

Pawhpayyek kaw-mayikawtayk Li Zord si rawr ekouhk pi awpachistawin, ooma paminikaywin poor chi-itayistakwahk Indigene Kishkayistamowin chikee mamayshkoot payyek ouschi paminikaywin pi kootak Li Zord, ashpaymouwin ouschi ishpayinwin. Kaw-wawhwakipayin kee-oushtawniwun didawn ishi Wayashtaywin kaw-kishshinahamakayhk la lway chi-ripoond ishi oohin obaminikaywin lee vayritee.

2.0 Wayashtaywin

Li Gouvarnimaw di Kenadaw ahkaamaymouw ishi la pay kaw-oushtawhk avek Indigene Li moond shawpou oushkay, la nawsyoon-ishko-la nawsyoon pi gouvarnimaw-ishko-gouvarnimaw wawhkoostouwin, ouschi nishtawinumakaywin di li drway, kaw-gischeetaymouhk, mamoowi-kawpaminuhk, pi en partineuz weechayhtowin.

Li tretee awn nagrimawn wawpahtahway ahkamay tretee li drway pi oubligasyoon awnter Indigene Li moond pi Li Gouvarnimaw di Kenadaw. Chi-kishchiitayimoo li tretee awn nagrimawn, avek awawn-mamamawitowhk, kaw-noumbr ashtayk pi oushkawyi li tretee awn nagrimawn, si nissisayr poor Indigene pi namoo-Indigene li moond chi-weekichik tout awn sawmbl didawn Kenadaw.

Li Gouvornimaw di Kenadaw awpachistaw soon la pouwayr pi ashtawniun otatoushkaywina pi pimipayihtawina aen mayaenr ishi aykwawni ni ahkamay avek li drway ouschi Indigene Li moond di Kenadaw kee-nishtawinikawtayw pi kaw-kayshchinahook didawn en seksyoon 35 ouschi di *Li treetee awn nagrimawn Li Zord, 1982.*

Ooma [Tooroon Not Grawn Piyee Nawsyoon Weestamakaywin didawn Li Drway di Indigene Li moond](#) (ooma UN Weestamakaywin) pi ooma [La lway Gischeetaymouhking Li Gouvornimaw di Kenadaw Owawhkoostouwin avek Indigene Li moond](#) (La lway) kishkayistamihowayw tawnsheeshi Li Gouvornimaw di Kenadaw nakishkam ooma paminikaywin di la lway atoushkaywina. Pakitinamwak meena wayashtaywin poor mamouwitoohkamatouwin avek Indigene Li moond, avek meena ashtaniun ooma Indigene Kishkayistamowin ohtinamawkaywina didawn Li Zord. Mamouwitoohkamatouwin avek Indigene Li moond saprawn chi-itayistakwahk Indigene Kishkayistamowin kee-ashtawniun poor paminikaywin kenawapahtamowin pi kaw-paminikawtaykihik ayitayistamowin si aykwawnima en seksyoon chi-oushchikawtayk pi chi-kenawayihchikawtayk miyeu pi kaw-gischeetayimouwhk wawhkoostouwin awnter Li Gouvornimaw di Kenadaw pi Indigene Li moond. Indigene Kishkayistamowin kee-oushtawniun, pi ahkamay oushtawniun, kishchikaykway pakitinikaywina ishi wawshakawshkayhk, kaw-paminikawtaykihik, pi kootaka paminikaywina lout bor li tayraen.

Ishpee 2021, Kenadaw *Tooroon Not Grawn Piyee Nawsyoon Weestamakaywin didawn Li Drway di Indigene Li moond Li Zord* (UN Weestamakaywin Li Zord) outistikow royal assent pi la forsee. Oohin lee lway di piyii pakitinam emashinahikawtayk lee shmaen e-ashtayki poor Li Gouvornimaw di Kenadaw pi Indigene Li moond chi-weechi-atoushkaychik tout awn sawmbl kaw-awpachistahk ooma UN Weestamakaywin ouschi ahkamay la pay kaw-oushtawhk, miywayawin, pi miyeu weechihitowin. Itapatishiwin ouschi oohin lee lway di piyii aykwawnima “kaw-kayshchinahook ooma Weestamakaywin ishi yakashkow mishiway itay alawntour l'istamaw li drway awpachihchikan avek awpachistawin didawn Aen zhawnd Kenadaw law, pi pakitinam wayashtaywin poor Li Gouvornimaw di Kenadaw's paminikaywin di Weestamakaywin”. Ooma UN Weestamakaywin Li Zord oushikawtayw kiki aykwawniki oki Li Gouvornimaw di Kenadaw saprawn, ishi peekishkwatitowin pi mamawii weechayhtowin avek Indigene Li moond, awpachistawak si nissisayr la sort chikayshchinahou la lway di Kenadaw aykwawni ni ahkamay avek UN Weestamakaywin.

Ooma UN Weestamakaywin ashtaywa 24 neekawnitwaywin ohtinamawkaywina, avek nishtawinumakaywin aykwawnima “kaw-gischeetaymouhk poor Indigene Kishkayistamowin, kee-ishopimawchihounawniun pi koumaen ishihchikewin weechiwayw ishi shasheepishiwin pi nayikookh oushstawin pi kwayesh kaw-paminamahk di wawshakawshkayhk”. Ooma UN Weestamakaywin meena ashtaywa 46 Lee narchik pi awta UN Weestamakaywin sprawn chi-amishchikawtayk pi ch-nishtoohchikawtay kahkiyuw, kaw-pimichishahikawtayki lee narchik kischee aenportaan ishi ooma Wayashtaywin:

- Aen narchik 31(1). Indigene Li moond ayow li drway chickenawayihtahk, paminahkik, natamoushtam pi oushstawin ka ishi pimatishahk listwer, koumaen kishkayistamowin pi koumaen ka ishi pimatishahk tawnshi chitoutahk, akwa meena wawpahtahwaywin ouschi di sciences, pimipayihtawina pi kee-ishopimawchihounawniun, avek l'istamaw pi kreu awpachihchikana, la grenn, la michin, kishkayistamowin li byaen di la nimal pi kishtikaywin, peeksikwaywin, kishinahamakywin, ooshipayhikawtaywin, aen sport pi koumaen maytawina pi wawpachikaywina pi nihtawayihchikaywin. Ayawak meena li drway chickenawayihtahk, paminahkik, natamoushtam pi oushstawin ka tipayituhk soon tayrayn miyikosiwin pawsci iyikohk ka ishi pimatishahk listwer, koumaen kishkayistamowin, pi koumaen ka ishi pimatishahk tawnshi chitoutahk.
- Aen narchik 31(2). Mamowi avek Indigene Li moond, States chioutinam aen atoushkaymakuhkihik la sort chinishtawinahk pi natamoushtam kaw-awpachistawhk oohin li drway.
- Aen narchik 43. Li drway kaw-nishtawinikawtaykihik didawn ooma e-oushchikawtayk iyikohk itashiwaywin poor ay-ishkouynaenhk, aykishchiitaymoowin pi miywayawin di Indigene Li moond didawn ooma la tayr.

Kishkayistamowin ishi Kamaenkihk, Avawn pi Kishkayistamihowayw La parmisyoon (FPIC) mishkikawtaywn didawn paahkaan lee narchik di UN Weestamakaywin. FPIC mitouni shinishtoustamoohiwayw aenportaan ouschi kayshchinahoo aykwawnima ihtakoun kaw-atoushkaymakuhk pi nawut iyikohk mamaawinitowin di Indigene Li moond didawn ayitayistamowin aykwawnihi poor wiyawow, see a lawntour pi li tayritori. FPIC si aykwawnima neekawneew kaw-atoushkihk tout awn sawmbl didawn nawut iyikohk ishi, pi natounam chikakway kashkistaw tipeymoowin. Ooma UN Weestamakaywin Li Zord wayashtaywin mashkuwsheehataw la sawns poor Li Gouvarnimaw di Kenadaw chioushistawin, tout awn sawmbl avek Indigene Li moond, tawnsheeshi FPIC chikee awnturpretee pi chiawpachistahk didawn paahkaan kaw-wayashtaykihk. Shimanawchistawhk ashoutamakaywina didawn Li Zord saprawn chi-itayistakwahk Indigene Kishkayistamowin pi chikawschitinihawtayk la parmisyoon ouschi Indigene Li moond ouschi tawnsheeshi Indigene Kishkayistamowinis kee-ashtawniwun, si aenportaan seksyoon di kaw-gischeetayimouhk oohin ashoutamakaywina didawn ooma UN Weestamakaywin.

Ishpee 2018, Kenadaw moushahkinam *La lway Kaw-Gischeetayimouhk Li Gouvarnimaw di Kenadaw Wawhkoostouwin avek Indigene Li moond* aykwawnihi shouhkashtaywa didawn en seksyoon 35 ouschi *Li tretee awn nagrimawn Li Zord, 1982*, kakayeshkimiwaywin ouschi UN Weestamakaywin, pi kishkayistamihowaywin ouschi *La Vayritee pi Naayihumowin Peehkishkwayshtamakaywin Natoutamawin chi Mawhcheemakun* (2015), pi ooma Weestamakaywin di Li rway Apiwin ishi Indigene Li moond (1996). Wawpastahiwayw ashoutamakaywin ishi miyeu ashpaymouwin, lee lway'd, neepawistamakaywin, paray-kahkiyuw, eka-paakwatitowin, pi kaw-gischeetayimouhk poor l'istamaw li drway. Ooma La lway kakayeshkimiwayw li federal li'ofis pi la zhawnsree didawn kashkistawin ooma Li Gouvarnimaw soon ashoutamakaywin ishi oushkayi la nawsyoon-ishko-la nawsyoon pi gouvarnimaw-ishko-gouvarnimaw wawhkoostouwin, avek kaw-awpachistawhk ooma Indigene Kishkayistamowin ohtinamawkaywina didawn Li Zord.

3.0 Indigene Kishkayistamowin

Namowiya kaykwuy ihtakoun tahkinay outinikawtaywin la diskripsyoon di Indigene Kishkayistamowin. Ooma ay-itwewin weestam kaw-nahayhtawinawkwun kishkayistamowin aen system shouhkashtayw didawn si rawr kaw-kee-ishipimawchihounawniwun, la lawngaezh, lee valeur, pi Indigene Li moond en tayr di veu. Indigene Kishkayistamowin bimawtishinawniwawn didawn Indigene la lway, li polichik, pi tipaymishouwin aen system. Li Promyee Nawsyoon, Aen Niskimoo pi Aen Michif ayow ispray kishkayistamowin aen system aykwawnima chikee en pawr awtist kaykawt toot pishishkayistamowin. Kootak kaykawt toot ay-itwewin poor Indigene Kishkayistamowin aen system kakaykina koumaen kishkayistamowin, koumaen kawawshakawshkayhk keema wawshakawshkayhk kishkayistamowin, Indigene koumaen kishkayistamowin, Aen Michif Koumaen Kishkayistamowin, pi Aen Niskimoo Qaujimajatuqangit.

Indigene Kishkayistamowin si aykwawnima a lawntour ispray pi la plaes-ouschi, ouschipayiwinn ouschi Indigene Li moond wiya-ikouhk wawhkoostouwin avek wawshakawshkayhk pi li tayritori pawsci kayawsh ashpin. Tahkinay mawna nishtoohtamowin ishi mamouwi kishkayistamowin aykwawnima wawshakawmihk a lawntour lee valeur, kishshinahamakaywin, wawhkoostouwin, aen sayrimonee, lee zistwayr pi awtayookaywinawn. Aykwawnima aymawachistawhk pi tahkinay il i bizee, oshichikawtayw ouschi kishkayistamowina di weepat awn partawn li moud, kishkayistamihowaywin kawshitouchikawtayk di maykwawt awn partawn li moud ouschi, pi washkawimakun didawn ooma wayashtaywin di mastaw la sasyitee. Indigene Kishkayistamowin is wawpahtahwayw pi kalekteeyen ishi tipaymowin ouschi awn nagrimawn pi paminikaywin di pawhpayyek La nawsyoon keema a lawntour.

Indigene Kishkayistamowin aen system aykwanihi are paahkaan, pimawtakun la valeur aen system aykwawnihi kaw-itayistakwahk paray avek kootak kishkayistamowin, avek dan li west science. Amihayiwatishoowin, aen sayrimonee, mayshkoutoukaywin, wawhkoostouwin avek pishkayimiawin ishi la tayr aykwawnihi kischee awpatunwa di Indigene Kishkayistamowin. Indigene Kishkayistamowin namowiya ka ashaynamihk ishi la tayr-awpachistawin, namowiya meena pikou kaw-ouschikishkayischikawtayk, pi namowiya meena ichahoukawinawin ishi l'anee pawsee (kaw-ay-itwehk koumaen chikee ishi pishoumikawtayk). Indigene Kishkayistamowin chikee weeschikawtayw jeufarawns ouschi lee fawm, paahkaan nishtawinikashoowin li moond, Deu-l'ispree li moond, li moond di pahkawn mishtaytakooowin, lawzh, pimawtishowina mawachihchikaywin la bonch keema weekihtouwin ayitapiwin. Indigene Kishkayistamowin michiminikaywak nishtawinawawuk ouschi see a lawntour.

Indigene Kishkayistamowin isi aykwawnima kawshitouchikawtayk di maamitonayihtamowin kaw-ashtahk ishi kishkayistamowin lout bor pimawtishoowin, avek lee kor, ka ishi pimatishahk, pi amihayiwatishoowin aen system. kaykinikawtayw ashwayhtemoowin ouschi kayschinahouwinkaw-kaschitinikawtayk shawpou dret akouta pi kinwaynsh nawut-iyikouhk kishkayistamowin pi oushami pikou pi awn partawn li moud wawpastamowin, kishshinahamakaywin, pi mamiyoowin. Kaw-geeishpayin pawsci sawn zawn pi keyapit is ishpayin didawn aen pimawchihouhk paminikaywin, avek kishkayistamowin kaw-kaschitinikawtayk anoush pi didawn li taan ki vyayn, pi meena pimoustatawnawn ouschi awn partawn li moud ishko awn partawn li moud (Inuit Circumpolar Mamamawitowhk. 2013)

Kenadaw shakouchihwaywin li tawn'd kayawsh pi ahkamay nakatamakaywin di kaw-kee ishinakwuhk peewaymaywaywin muwnayshkawaywina ayow aenportaan ayishpayiwina poor chikashkistawhk di Indigene Li moond chikenawayihchikawtayw pi oushistawin okishkayistamowin aen system. Tapishkoot, ooma Kochiwahpatahiwaywin di Si li bout Weestamakaywin di La Vayritee pi Naayihumowin Peehkishkwayshtamakaywin di Kenadaw weestam aykwawnima "poor pawsci sawn zawn, kischee mamwachayshk pakoshayimoowin di Kenadaw ouschi Indigene lee lway ouhpimaen chiashtahk Indigene li gouvanimaw; noo pishkaymiwun Indigene li drway; shinakinamihk Li treetee awn nagrimawn; pi, shawpou paminikaywin di peekounikaywin, mawchipayihaw ishi Indigene li moond eka kaw-ihakouhchik ishi ispray la lway, parmi li moond, ka ishi pimatishahk, lee rilizyoon, pi paakwatitowin oushtawniwun didawn Kenadaw". Indigene Li moond eka pashkaywuk ouschi okishkayistamowin, meema kakway shakouchihawak chipashkayawchik Indigene Li moond ouschi okishkayistamowin, lee a lawntour mamawii koochewak chipimawtishimakah see la lawngaezh pi Indigene Kishkayistamowin aen system.

4.0 Indigene Kishkayistamowin didawn Li Zord

Li Gouvanimaw di Kenadaw nishtawinum aykwawnima Indigene Kishkayistamowin zaenproovmawn li federal ayitayistamowin-kaw-oushtahk pi mashkawshihtaw paminikaywin kenawapahtamowin pi kaw-paminikawtaykihik ayitayistamowin. Tapishkoot, Indigene Kishkayistamowin weechihew li federal mamowitouwuk chiayiwawuk nishitoohtahk di Indigene en tayr di veu, Indigene kee-

ishipimawchihounawniwun, li tawn'd kayawsh pi maykwawt ishpayiwin di wawshakawshkayhk, pi parmi li moond, miywayawin pi ahkikiwin ishpayiwin di Indigene Li moond pi tawnsheeshi oohin chikee ripoond ishi si posibb lee shawnzhmawn. Indigene Kishkayistamowin aen system pi dan li west scientific kishkayistamowin aen system paray la valeur aykwawnihi pi chiawpachistinawun la deu keema awpihkikawtayw chikashkihow oohin miyeu kay-ishpayik. Li federal oneekawneewak chikee atoushkawtahk chinishitohtahk lee valeur, kishshinahamakaywin, wawhkoostouwin, pi ka ishi pimatishahk wayashtaywin di a lawntour kaw-pakitinikawtayk ooma weehstamakaywin.

Awntsoor ooma *Kaw-igzaminee chikee itochikemakahk Li Zord*, ooma *Aen zhawnd Kenadaw Pawndawn Pamikaywin Li Zord*, ooma *Aen zhawnd Kenadaw Kaw-papawmatakawwuk daw Loo Li Zord*, pi aykwawnima ouschi kaw-pakitinamakihk ayitayistamowin awntsoor ooma la pwesoon pi la pwesoon wawshakawmihk natamoushtawtaywin ohtinamawkaywina di *Ou pwesoon Li Zord*, Indigene Kishkayistamowin saprawn kaw-itayistakwahk, ishpee kee-ashtawniwun, avek kootak kishkayischikawtaywina didawn paminikaywin kenawapahtamowin pi kaw-paminikawtaykihk ayitayistamowin. Oohin Li Zord saprawn chi-ayawhk aykwawnima:

1. Indigene Kishkayistamowin chi-itayistakwahk, didawn awtist ayitayistamowina keema paminikaywina ishpee kee-ashtawniwun;
2. Indigene Kishkayistamowin chipaminikawtay poor kawkawtaywin ishpee kee-ashtawniwun didawn ashpaymouwin;
3. Indigene Kishkayistamowin chinatamoushtam ouschi eka kaw-pakitinikawtayk chiwawpahtahwayhk ishpee kee-ashtawniwun didawn ashpaymouwin, kishkinawapachihchikewin ishi awtist pakitinmakaywin, avek pimipayihawin kishchitaymishoowin pi kischee chitoutamakayhk keema poor awpachistawin didawn la lway wiyashiwaywina; pi
4. Avawn kaw-nookoochikawtayk Indigene Kishkayistamowin kee-ashtawniwun ashpaymouwin poor itapatishiwin di pimipayihawin kishchitaymishoowin keema poor awpachistawin didawn la lway wiyashiwaywina, li federal oneekawneewak saprawn chikakayeshkimiwayk avek kishkayistamowin michimikayw, keema La nawsyoon keema a lawntour aykwana kee-maykiw ooma Indigene Kishkayistamowin pi aen parson keema mamowitouwuk kaw-itayista kee-ishi nookohtahk ouschi iyikohk kaw-itayistakwa di nookohtawin pi keeshpin mashkoot ishpayiwin awntsoor aykwawnima tawnima Indigene Kishkayistamowin chi nookohtahk pi chiawpachistahk la sort chipaminikawtayk aykwawnima nookohtawin.

Chinawut paray ooma ohtinamawkaywina didawn Li Zord ouschipayiwun ishi Indigene Kishkayistamowin kee-ashtawniwun didawn ashpaymouwin, ooma *Kawschitinikawtaywin ishi Weehstamakaywin Li Zord* kee-kwayesh ashtayw. Aykwawnima ouschi, Indigene Kishkayistamowin kee-ashtawniwun didawn ashpaymouwin awntsoor ooma Li Zord si natamoushtam ouschi Kawschitinikawtaywin ishi Weehstamakaywin natoutamowina.

Poor paminikaywin kenawapahtamowin pi kaw-paminikawtaykihk ayitayistamowin, Indigene Li moond chikee en pawr Indigene Kishkayistamowin didawn paahkaan kaw-ishi nakishkamoomahahk avek shawpou wawpaschikaywina, keema maykwawt ooma paminikaywin di peekishkwatitowin.

5.0 Kishshinahamakayhk La lway

Ooma en seksyoon awntsoor maashinahikawtaywa saenk la lway, aykwawnihi kakayeshkimiwayw li federal oneekawneewak didawn Kaw-igzaminee chikee itochikemakahk La zhawnsree di Kenadaw, ooma Kenadaw Pawndawn Pamikaywin, ooma La pwesoon pi La pwesoon Wawshakawmihk Natamoushtawkaywin Pamunikaywin itay Ou pwesoon pi La mayr Kenadaw pi Awahaywin Kenadaw (li li federal li'ofis pi la zhawnsree), ishpee ashtaniwun ooma Indigene Kishkayistamowin ohtinamawkaywina didawn Li Zord.

5.1 Kaw-gischeetaymouhk Indigene Li moond pi okishkayistamowin

Li federal li'ofis pi la zhawnsree nishtawinum aykwawnima Indigene Kishkayistamowin mashkuwsheetaw nishtoschikawtaywin keeshpin si posibb chikee itochikawtayk di pamunikaywina, pi neekawneeshtam ishi miyeu pamunikaywin itashinihikataywin, oushtawniwun, kawpaminuhk, decommissioning ayshitoutamihk, mashkawshihtaw mitigation pi tawpashtawniwun la sort, pi ayiwawk kaw-atoushkaymakuhk pishishkayischikaywin. Indigene Kishkayistamowin aykwawnima kaw-kee-ashtawniwun, akouschee, ayow aenportaan atoushkaywin ouschi zaenproofmawn kay-ishpayik di pamunikaywin kenawapahtamowin pi kaw-pamunikawtaykihik ayitayistamowin, avek keeshpin mawti pamunikaywin kee-outinikawtayw.

Li federal li'ofis pi la zhawnsree nishtawinum aykwawnima Indigene Li moond ahpou kee-oushtawniwun pamunikaywina pi awn nagrimawn aykwawnima tipayihitam pishishkayischikaywin ouschi Indigene Kishkayistamowin. Oohin pamunikaywina pi awn nagrimawn chikee ihtakwun mischaytwa ishi (tapishkoot, taypakaymoowin weestamakaywin, peekishkwaywin, keema shawpou aen sayrimonee). Itayistamowin ouschi ooma Wayashtaywin si ekawiya chi tawpashtawniwun keema chimayshkoohtashtak pikwawnima Indigene pamunikaywina pi awn nagrimawn. Wiyawow Indigene Li moond chi-disidee keeshpin mawti chikee en pawr okishkayistamowin avek li federal li'ofis pi la zhawnsree. Peekishkwatamoowin avek Indigene Li moond si aykwawnima aenportaan ishi nishtoschikawtaywin La nawsyoon pi a lawntour-ispray lee zaenstriksyoon wawshakawm Indigene Kishkayistamowin pamunikaywina pi awn nagrimawn; chikishkayistamihk ouschi si posibb ayishpayiwina di ayitayistamowin; pi chikishkayistamihowayhk kay-ishpayik.

Oohin kaw-pimichishahikawtaykihik kakayeshkimiwaywina wawpaschikawtayw tawnsheeshi li federal oneekawneewak chiashtaniwun ooma la lway ishpee kaw-awpachistawhk Indigene Kishkayistamowin ohtinamawkaywina didawn li zord

- Nishitohta wayashtaywin di Indigene pi treete li drway di Li Promyee Nawsyoon, Aen Niskimoo pi Aen Michif kaw-kayshchinahookh didawn En seksyoon 35 ouschi *Li treete awn nagrimawn Li Zord, 1982*, pi ashtaniwun ooma nishtoschikawtaywin ishpee kaw-atoushkayhk avek Indigene Li moond.
- Kaw-gischeetaymouhk paahkaan nakatookhatewina, neekawnikaymowina pi kaw-itahkamikun di Li Promyee Nawsyoon, Aen Niskimoo pi Aen Michif.
- Indigene Li moond chikakayeshkimiwayw ooma nishtoschikawtaywin ouschi wayashtaywin pi itwaywin di pikwawnima Indigene Kishkayistamowin kaw-pakitinahkik.
- Mamowitouwun avek Indigene Li moond ay-gischeetayimouwak di soon tpaymishouwin, kakayeshkimiwaywin, awn nagrimawn, lee sayrimonee pi pamunikaywina, avek Indigene Kishkayistamowin awn nagrimawn. Keeshpin ohtinamawkaywina Li Gouvarnimaw di Kenadaw kaw-bimawtishinawniwawn li treete awn nagrimawn pi kaw-isinakishkamoomahakh peekishkwatitowin awn nagrimawn avek Indigene Nawsyoon pi a lawntour awpachistaw ishi chikalekteeyen pi chi-itayistamowina di Indigene Kishkayistamowin, oohin gischeetayimowina.

- Indigene Li moond chikishkayistamwak tawnsheeshi chi kalektee see Indigene Kishkayistamowin, itapatishiwin poor kiko kaw-kalekteeyihk pi kee-ashtawniwun, pi tawnsheeshi see Indigene Kishkayistamowin, kiyawn ishpee namowiya kee-ashtawniwun didawn ashpaymouwin, chikee en pawr.
- Li Promyee Nawsyoon, Aen Niskimoo pi Aen Michif kishkayistamowin michiminikaywak nishtawinawak pi gischeetayimawak poor soon nakaatchihtowin.

5.2 Oushtawniwun pi kenawayihchikawtayw miyeuweechaytouwin wawhkoostouwin avek Indigene Li moond

Li federal li'ofis pi la zhawnsree nishtawinum aykwawnima kaw-oushistahk kinwaynsh-iyikouhk wawhkoostouwin avek Indigene Li moond ouschi mamouwi kaw-gischeetaymouhk pi ashpayimouwin, pi neeshohkamatouwin avek Indigene Li moond, si aenportaan poor kaw-mawci atoushkawtayk chi en pawr, nishtoschikawtaywin, pi itayistamowina di Indigene Kishkayistamowin didawn paminikaywin kenawapahtamowin pi kaw-paminikawtaykihk ayitayistamowin.

Weepat mamaawinitowin si aykwawnima aenportaan ashpayimouwin-oushtawin kawshitouchikawtayk ati weechihwayw chioushtahk miyeu ishpayiwin poor Indigene Li moond peekishkweewina pi la veu chi neeshohkamakayk paminikaywin kenawapahtamowin pi kaw-paminikawtaykihk paminikaywina.
(Manitoba Aen Michif Mamamawitowak)

Kwayesh nishtoschikawtaywin ouschi, pi kaw-gischeetaymouhk poor, ka ishi pimatishahk wayashtaywin akwa meena Indigene¹ li drway, nishtum ouschi kaw-kee ishinakwuhk pi treetee li drway saprawn chi-ayawhk poor nahiyikohk itayistamowin di Indigene Kishkayistamowin. Aykwawnima mawna kawschitinkawtayw shawpou ahkamay wawhkoostouwin pi peekishkwatamoowin avek li moond di Indigene Nawsyoon pi a lawntour, pi namowiya sipawree paminikaywin.

Oohin kaw-pimichishahikawtaykihk kakayeshkimiwaywina wawpaschikawtayw tawnsheeshi li federal oneekawneewak chiashtaniwun ooma la lway ishpee kaw-awpachistawhk Indigene Kishkayistamowin ohtinamawkaywina didawn li zord

- Peekishkway weepat avek Indigene Li moond ouschi lee sawns chi en pawr Indigene Kishkayistamowin poor paminikaywin kenawapahtamowin pi kaw-paminikawtaykihk ayitayistamowin, pi pakitinika weehstamakaywin ouschikaw-itayistakwa paminikaywin pi kaw-ihatakouw aen tawd d'arzhawn.
- Kishkayistamihowayw Indigene Li moond di paminikaywina li lee lway ouschipayiwin avek paminikaywin kenawapahtamowin pi kaw-paminikawtaykihk ayitayistamowin chi-pakitina ispray li'ofis wayashtaywin.
- Mamowitouk weepat avek Indigene Li moond chiawnkourazhee nawut iyikohk pi ahkamay peekishkwatamoowin ouschi Indigene Kishkayistamowin chi-itayistakwahk, pikwawnima kaykwuy ishpayiwin poor itayistamowin, pi wayashtaywin di Indigene Kishkayistamowin. Ooma peekishkwatamoowin si aenportaan poor Indigene Li moond chi-disidee keeshpin mawti pi tawnsheeshi chikee en pawr okishkayistamowin pi chikayschinahouw aykwawnima li federal oneekawneewak gischee ashtaniwun ooma ohtinamawkaywina awntsoor Li Zord.

¹ Ooma awpachistawin ay-itwewin "Indigene li drway" chikee awmistawn ishi "Indigene li drway".

- Nishtawinumowin pikou Indigene Kishkayistamowin michiminikaywak, pi la Nawsyoon pi a lawntour itayimawak chikee en pawr soon Indigene Kishkayistamowin pi pakinimam kakayeshkimiwaywin ouschi itayistamowin.
- Kaw-gischeetaymouhk li drway di Indigene Li moond chickenawayihtahk, paminahkik, natamoushtam pi oushistawin see Indigene Kishkayistamowin. Kee-ashtaywa awpachischikana oushistawin ouschi Indigene Li moond pi mamowitouwukaykwawnima li federal oneekawneewak chikee nishitohta pi ashtaniwun ishpee kaw-itayistakwahk, tapishkoot Li Promyee Nawsyoon la lway di tipayischikaywin, paminahkik, kawschitnikawtaywin, pi ayawin(OCAP®), Mishiway itay Alawntour Aen Niskimoo Pimpayihawin Wawpaschikaywin keema kootak ispray awn nagrimawn.
- Paminikaywina chikakaykina Indigene Kishkayistamowin didawn paminikaywin kenawapahtamowin pi kaw-paminikawtaykihik ayitayistamowin aykwawnihi kischee ouschi peekishkweewina di Indigene lee fawm, lee yet zhenn, Li vyeu, paahkaan nishtawinikashoowin pi Deu-l'ispreet li moond.

5.3 Nawut iyikohk Itayistahk Indigene Kishkayistamowin

Mashkuwsheetaw nishtoschikawtaywin keeshpin si posibb chikee itochikawtayk di paminikaywina pi itayistamowin chikee mashkawshihtaw mitigation pi tawpashtawniwun la sort, weechihtaw oushistawin paminikaywin ishpayiwina, pi weechihwayw ishi ayiwawk kaw-atoushkaymakuhk kinwaynsh-iyikouhk pishishkayischikaywin di paminikaywin chikee itochikawtayk. Deu-zyeu achawpiwin pi chi-ashpaymouhk lispawpachistawin nakishkam chipaytow kaw-tout awn sawmbl Indigene Kishkayistamowin aen system pi dan li west kishkayistamowin aen system chi miyeu nishitohta paminikaywin kaw-itochikawtayk. Klayr kakayeshkimiwaywin, paminikaywina pi lee lway poor nawut iyikohk chi-itayistakwahk di Indigene Kishkayistamowin, oushistawin pawhpayek ouschi di kaet li'ofis keema la zhawnsree, saprawn ch-ayahk chiweechihwayhk paminikaywin kenawapahtamowin pi kaw-paminikawtaykihik ayitayistamowin.

Oohin kaw-pimichishahikawtaykihik kakayeshkimiwaywina wawpaschikawtayw tawnsheeshi li federal oneekawneewak chiashtaniwun ooma la lway ishpee kaw-awpachistawhk Indigene Kishkayistamowin ohtinamawkaywina didawn li zord

- Awawn kaw-pakitinikawtayk Indigene Kishkayistamowin, Indigene Nawsyoon pi lee alawantour chikee disidee awina

Ooma kischee aenportaan ouschi IK poor paminikaywin kenawapahtamowin pi kaw-paminikawtaykihik ayitayistamowin namowiya chikee oushami-itwaywin. IK pakitinam kaw-takwashtawhk pi ayiwawk kishkaytamoohiwaywin nishtoschikawtaywin di paminikaywin kaw-itochikawtayk; zaenproovmawn paminikaywin itashinihikatawaywin pi oushistawin; mashkawshihtaw mitigations pi tawpashtawniwun la sort; mashkuwsheetaw paminikaywin pishishkayischikaywin; weechihtaw chickenawayischikawtayk Indigene li drway, lee tayr, awpachischikana, pi kee-ishipimawchihounawniwun; pi ayiwawk. Akwa, namowyi kaykuy ishi Crown chikee shimanawchistawhk soo atoushkaywin chipeekishkwatitouhk, chi gischeetayimitouhk Tretee li drway, keema kaw-awpachistahk ooma Tooroon Not Grawn Piye Nawsyoon Weestamakaywin didawn Li Drway di Indigene Li moond (UNDRIP) pat tawpway, kaw-atoushkaymakuhk, pi kaw-gischeetayimouwhk awpachistawin di IK didawn paminikaywin kaw-igzaminee pi paminikaywin ayitayistamowin-oustawin. Kayshishkow, awpachistawin di IK si aykwawnima si teezi, nahiyikouhk, pi la lway saprawn chi-ayahk. (Mikisew Awn Cree La Nawsyoon)

pakitinam pi, ishpee nahiyikohk, awina kayschinahoowayw Indigene Kishkayistamowin pi tawnsheeshi la paarmisyoon chikakaykina Indigene Kishkayistamowin didawn paminikaywin kenawapahtamowin pi kaw-paminikawtaykihk ayitayistamowin kaw-kawchitnikawtaykihk.

- Ishpee Indigene Kishkayistamowin si kee-ashtawniwun poor paminikaywin kenawapahtamowin pi kaw-paminikawtaykihk ayitayistamowin saprawn chikee chi-itayistakwahk pi kawya pishkayishchikawtayk.
- Poor ishi chiawnkourazhee ooma tapway ikouohk pi kaw-gischeetayimouwak itayistamowin di Indigene Kishkayistamowin, li federal oneekawneewak chi mamowitouk avek Indigene Li moond chinishitoohtamoohiwayw tawnsheeshi Indigene Kishkayistamowin chikee nishtoochikawtayk. Tapishkoot, keeshpin Indigene Kishkayistamowin si en pawr maykwawt aen nasawnblee, li federal oneekawneewak chikayshchinahoowayw aen nasawnblee kochiwahpatahiwaywin avek Indigene neeshohkamakaywak.
- Kaw-wawhwakipayin didawn ooma paminikaywina pi lee lway di federal li'ofis pi la zhawnsree, ishi kishkinawapachihchikewin lee lway di piyii pi kaw-paminikawtaykihk saprawn chi-ayawhk, chiweechihiwayhk ooma nawut iyikohk chi-itayistakwahk di Indigene Kishkayistamowin; tapishkoot, tawpashtawniwun kishkayistamowin kee-ashtawniwun didawn Indigene la lawngaezh pi kootaka ishi namowya pikou mashnaykaywin, ou wayaezh dan lee a lawntour, pi pishkayimiwawn ishi a lawntour ayndawayishchikaywina.
- Indigene Kishkayistamowin pikou chinishtoohchikawtayk pi chi-itayistakwahk didawn ooma wayashtaywin kee-ashtawniwun ouschi La nawsyoon keema a lawntour. Ooma chikakaykinawtayk chi-itayistakwahk ooma kishkayistamowin pikou itapatishiwin poor kiko kaw-kee-ashtawniwun. Indigene Kishkayistamowin namowiya chiawpachistawn poor li taan ki vyayn ayitayistamowin ekwa kaykwuy pakitinikaywin pi kakayeshkimiwaywin ouschi kishkayistamowin michiminikaywak.
- Tou lee deu Indigene Kishkayistamowin, avek peekishkwaywin kishkayistamowin, pi dan li west scientific kishkayistamowin aen system paray la valeur. Ishpee kaw-itayistakwahk avek kootak kishkayistamowin aen system, avek dan li west science, l'ispree di Indigene Kishkayistamowin chikee kenawayihchikawtayk.
- Peekishkway avek Indigene Li moond ooma kay-ishpayik di paminikaywin kenawapahtamowin keema kaw-paminikawtaykihk il a disidee avek tawnsheeshi Indigene Kishkayistamowin kaw-kee-itayistakwahk.

5.4 Kaw-gischeetaymouhk Tosal di Indigene Kishkayistamowin

Li federal li'ofis pi la zhawnsree saprawn chi-ayawhk natamoushtamowin poor kawkawtaywin Indigene Kishkayistamowin ouschi eka kaw-pakitinikawtayk ishi tipaymiwayhk avek oohin Li Zord. Ohtinamawkaywina didawn pawhpayek di Li Zord kashkihow natamoushtamwin poor kawkawtaywin Indigene Kishkayistamowin, ishi tipaymiwayhk awtist lee lway di piyii pakitinikaywina, avek pimipayihawin kishchitaymishoowin keema poor awpachistawin didawn la lway wiyashiwaywina keema poor awpachistawin dan la lway itashwaywina. Tapishkoot, pimipayihawin kishchitaymishoowin itwewin aykwawnima Indigene Li moond pi weechihiwaywak chikee ayow li drway chineeshoohkamawkayt, chikishkayistamin kaykwuy kishkayistamihowaywin awa kaw-itayistahk-oushtawniwun kaw-ashpamout

ishpee kaw-oushtahk il a disidee, pi chikee maykawow en sawns chi-ripoond ishi aykwawnima kishkayistamihowaywin. Indigene Kishkayistamowin kee-ashtawniwun didawn ashpaymouwin awntsoor oohin Li Zord aykwawnima awshaynikawtayw ouschi kaw-pakitinikawtayk awntsoor ooma *Kawschitinikawtaywin ishi Kishkayistamihowaywation Li Zord.*

Li federal li'ofis pi la zhawnsree nishtawinum nawut aenportaan di oushchikawtaywin la parmisyoon-ouschi paminikaywina chinakinam eka kaw-pakitinikawtayk di poor kawkawtaywin Indigene Kishkayistamowin. Li federal li'ofis pi la zhawnsree kishkayistamowin aykwawnima Indigene Nawsyoon pi lee a lawntour chikishkayistamwak keeshpin mawti chikee en pawr okishkayistamowin, pi kiko tipayihtakosiwin ouschi aykwawnima kishkayistamowin kaw-nouhtay pakitinamwak didawn ashpaymouwin. Nishtawinumwak meena nawut aenportaan di paminikaywin chinakinikawtayk eka kaw-pakitinikawtayk di poor kawkawtaywin Indigene Kishkayistamowin pi kishkayistamowin aykwawnima la parmisyoon saprawn chikee klair pi namowiya pikou chiitayhtakwahk.

Oohin kaw-pimichishahikawtaykihk kakayeshkimiwaywina wawpaschikawtayw tawnsheeshi li federal oneekawneewak chiashtaniwun ooma la lway ishpee kaw-awpachistawhk Indigene Kishkayistamowin ohtinamawkaywina didawn li zord

- Avawn Indigene Kishkayistamowin kee-en pawr, li federal oneekawneewak pikou klairly peekishkway ouschi pakitinamakaywina didawn Li Zord awntsoor kiko Indigene Kishkayistamowin kee-ashtawniwun didawn ashpaymouwin chikee weestchikawtayw.
- Li federal li'ofis keema la zhawnsree chipeekishkwayw avek La nawsyoon keema a lawntour tawnsheeshi kishkayistamowin kee-ashtawniwun didawn ashpaymouwin chikee kenawayischikawtayk avek kipaminumowin pi kanwayimikawtaywin.
- Ikouhk kaw-nishtooschikawtayk di kaw-pakitinikawtayk pakitinamakaywina didawn Li Zord pi tawnsheeshi Indigene Kishkayistamowin kee-ashtawniwun didawn ashpaymouwin chikee kenawayischikawtayk, Indigene Nawsyoon pi lee a lawntour chikishkayistamwak keeshpin mawti chikee en pawr okishkayistamowin, pi kiko tipayihtakosiwin ouschi aykwawnima kishkayistamowin kee-ashtawniwun didawn ashpaymouwin.
- Itay Indigene Kishkayistamowin chikee nookoochikawtayk dan piblik mashinahikawtaywin, Indigene Kishkayistamowin aykwawnima chikishkayistamwak poor kawkawtaywin namowiya chikee ihtakoun dan li piblik mashinahikawtaywin.

5.5 Chiweechihwayhk Boun poor Ayshpeeshchawk Ouschi Indigene Kishkayistamowin

Li federal li'ofis pi la zhawnsree nishtawinum aykwawnima ihtakoun kaw-natawayihtakwahk chiweechihwayhk Indigene Li moond didawn kaw-oushtahk kaw-ayshpeeshchayik chineeshohkamakayt didawn paminikaywin kenawapahtamowin pi kaw-paminikawtaykihk ayitayistamowin. Indigene Nawsyoon pi lee a lantour saprawn chi-ayawhk ayiwawk kaw-ayshpeeshchayik pawsci kinwaynsh-iyikouhk ishi chiweechihwayhk ooma chipimawtishimakahk, chikalekteeyen, kanwayimikawtaywin, pi kenawayschikawtaywin di Indigene Kishkayistamowin. Ihtakoun meena kaw-natawayihtakwahk chi ayiwawk kaw-ayshpeeshchayik di li federal oneekawneewak kaw-atoushkaymakuhk mamowitouk avek Indigene Li moond.

Li federal li'ofis pi la zhawnsree kishkayistamowin aykwawnima Indigene Li moond meena saprawn chi-ayawhk nahiyikohk la tawn pi awpachichikana chikee kalektee pi chipaminikawtayk Indigene Kishkayistamowin, avek l'istamaw awpachichikana, kishinahamakaywin, chinakachihtamowihowayw, wawpaschikaywina, awnturpretee, kishkayistamihowaywation kanwayimikawtaywin pi kaw-paminamahk, pi avek kootaka nakatoohkatewina. Chiweechihiwayhk Indigene Nawsyoon pi lee a lawntour didawn ishi oohin itouchikaywina miyeu kaskistow Indigene Li moond chineeshoohkamakayt didawn paminikaywin kenawapahtamowin pi kaw-paminikawtaykihk ayitayistamowin pi chipatinikawtayk Indigene Kishkayistamowin poor itayistamoowin didawn oohin paminikaywina.

Oohin kaw-pimichishahikawtaykihk kakayeshkimiwaywina wawpaschikawtayw tawnsheeshi li federal oneekawneewak chiashtaniwun ooma la lway ishpee kaw-awpachistawhk Indigene Kishkayistamowin ohtinamawkaywina didawn li zord

- Ishpee aen tawd d'arzhawn keema kootaka awpachichikana ihtakounwa ishi chiweechihiwayhk mamaawinitowin di Indigene Li moond didawn paminikaywin kenawapahtamowin pi kaw-paminikawtaykihk ayitayistamowin, chikee kawschitinikawtayw pi kee-ashtawniwun mitouni.
- Itay Indigene Li moond identify kaw-ayshpeeshchayik natawayihchikaywina poor soon La nawsyoon keema a lawntour ouschi kaw-en pawr Indigene Kishkayistamowin, li'ofis pi la zhawnsree chipakitinam kaw-weechihiwayhk ishko kaw-kashkihow. Ooma chikee kakaykinikawtayw oushistawin di Indigene Kishkayistamowin awn nagrimawn pi ispray natawayihchikaywina tapishkoot: la lawngaezh pi logistical saprawn chi-ayawhk; chiweechihiwayhk poor chikalekteeyen pi kaw-kochiwahpatahiwayhk di Indigene Kishkayistamowin; chiweechihichik lee fawm pi lee yet zhenn mamaawinitowin; pi ihtakouwin di kishkayistamowin michiminikaywak, keema La nawsyoon pi a lawntour neepawistamakaywak.
- Chiweechihiwayhk chioushtahk ka ishi pimatishahk kashkihtawin pi kishkayhtatamowin di li federal oneekawneewak kaw-nakahtoohkatum paminikaywin kenawapahtamowin pi kaw-paminikawtaykihk ayitayistamowin. Nakachihtamowihowaywin chikee kakaykina: ooma li tawn'd kayawsh, listwer, kee-ishipimawchihounawniwun, la veu di Li Promyee Nawsyoon, Aen Niskimoo pi Aen Michif, pi owawhkoostouwin avek Crown avek meena Indigene, nishtum ouschi kaw-kee ishinakwuhk pi trettee li drway di Indigene Li moond; ooma UN Weestamakaywin; gischee atoushkaywin avek Indigene Li moond; nishtoschikawtaywin bimawtishinawniwawn pi legitimacy di paahkaan kishkayistamowin aen system; pi nawut iyikohk chi-itayistahkik di Indigene Kishkayistamowin.

6.0 Pooyouwin

Ooma Wayashtaywin weechihiway ooma ahkamay kaw-awpachistawin di Indigene Kishkayistamowin ohtinamawkaywina mishkikawtayw didawn *Kaw-igzaminee chikee itochikemakahk Li Zord*, ooma *Aen zhawnd Kenadaw Pawndawn Pamikaywin Li Zord*, ooma *Aen zhawnd Kenadaw Kaw-papawmatakawwuk daw Loo Li Zord* pi kaw-pakitinamakihk ayitayistamowin awntsoor ooma la pwesoon pi la pwesoon natamoushtawkaywin ohtinamawkaywina di *Ou pwesoon Li Zord*. Ooma mishakawmihk la lway chikee kakayeshkimiwayw atoushkaywin li federal oneekawneewak awntsoor oohin Li Zord. Oohin li federal li'ofis pi la zhawnsree chioushistawn wiya ikou lee lway pi kakayeshkimiwaywin aykwawnihi ahkamay avek ooma Wayashtaywin pi aykwawnihi ouschikawtaywa ishi pawhpayyek li'ofis ispray obaminikaywin saprawn chi-ayawhk. Li federal li'ofis pi la zhawnsree saprawn chimaykiw iyikouhk awpachischikana, atoushkaywak pi nakachihtamowihowaywin ishi nahiyikohk chi-awpachistahk ooma Indigene Kishkayistamowin ouschi ohtinamawkaywina didawn oohin Li Zord.